

Cernyweg / Cornish

Messach a gres ha bolunjedh da dhiworth pobel yowynk Kembra dhe bobel yowynk adro dhe'n bys

Tyck-tock. Tyck-tock. An termyn yw ogas gyllys, ha ni re dhrehedhas crowshens. Caletter gwir yw chanjyans ayreth, ha res yw dhyn ni obery lemmyn.

Mar pys taclow dell wrons i lemmyn, ny vydh Penn Ehel an North namoy yn y furv a dermyn ma teyr bledhen alemma. Gwiryoneth yw.

Mar qwra encressya tommder an planet pyseul a beswar degre Celsius, an dyfeyth Sahara a vynn ystynna bys dhe Bow Frynk. Gwiryoneth yw.

A gresys, pub den yn Kembra a wra formya 11 tonna metryk a dhioxid carbon pub bledhen. Gwiryoneth yw.

A gresys, pub den yn Kenya a wra formya 0.2 tonna metryk a dhioxid carbon pub bledhen. Gwiryoneth yw.

Ny yllyth jy leverel na gonvedhsys ta ni dhe usya re a gunys; ha ny dhe lomhe an Nor a'y vonyow; ha ni dhe vos scullyek dre dowlel re a daclow yn mes; ha ni dhe ladha an planet.

Agan messach ni o an keth y'n vledhen diwettha eus passyes, ha'n vledhen kens henna, saw ny worta termyn rag den vyth.

Ni a re gelwel dhe bobel yowynk adro dhe'n bys dhe junnya dhyn ni, pobel yowynk Kembra, dhe sevel orth goheles an gwiryoneth ha dhe wul heglew agan levow. Gwren ni gul lemmyn mater rag gwrians a janjyans ayreth. Gelwel dhewgh a wren ni dhe dhowys an hens gwir orth an growshens. Ni dal dhyn miras orth an termyn usy passyes. Chons nowyth yw hedhyw, hag a-vorow a vydh leun a bromys.

Tyck-tock. Tyck-tock. A yllowgh whi clowes an clock ow tyckya?

Gwres gans Dalva Yowynkes Keredygyon.